

家規序

吾族出自有虞遠祖軒轅肇姓妣滿其所由來者遠矣
蓋源遠者流自長根深者叶自茂何者祖宗根本也子
孫枝叶也根本培養既厚枝叶不求茂而自茂然欲厚
祖宗根本非自修德不可書曰惟德動天无遠弗届是
故尊祖敬宗人孝出弟尽忠报国睦族和邻以义制事
以礼制心此节厚根本之道凡为忠臣义士孝子慈孙
莫不基乎此矣今幸谱牒告成谨撰规训约吾族众每
逢祭祀之期各率子侄齐集宗堂序立听讲心体力行

遵照勿怠自是先緒克恢而家聲丕振矣特述其原於
篇首

家規

敦孝弟

孝弟者人之良知良能自然之性也孝弟行於家而后
仁愛及於物所謂亲亲而仁民也又況事亲孝故忠可
移於君事兄弟故順可移於長然則愛亲敬長之道其
为人之大本大源乎无如天地生人氣稟各有不同习
成不孝不弟者有之矣忽乎父母养育之恩兄弟孔怀

之誼一言不合怒氣相加甚至重貲財薄父母听妇言乖骨月噫若而人者其与禽善奚异哉倘我族内有此等子弟为房长者务宜教以人孝出弟之道毋蹈忤逆犯上之愆则子与子言孝弟与弟言悌岂不懿欤如有不遵提人宗堂重惩以儆来效尤

正名分

易曰天尊地卑乾坤定矣卑高以陈贵贱位矣礼曰教训正俗非礼不备君臣上下父子兄弟非礼不定夫礼者所以定亲疏决嫌疑别同异明是非也礼之於人大

矣哉历观尊卑原有一定之分如伯叔当必称为某伯某叔兄嫂当必称为某兄某嫂至父母之侧不命之坐不敢坐不命之言不敢言孔子至圣也其在宗族父兄之前不敢以才智自先者循分故也何今之人於伯叔兄嫂之前呼名唤字不识尊卑无礼孰甚於父母至尊之下公然越坐言语强争不孝之罪尚何逭耶凡我族之为父兄者急宜训其子弟照分尊称动止有则周旋中礼则尊卑既序而纲常逢正矣

正家法

曲礼曰内言不出於梱外言不入於梱盖言男正位乎外女正位乎内男女有别斯家法严矣夫不正者皆由荡检逾闲男嬉女戏惯习为常其流敝必至以上乱下以卑犯尊罪大恶极刑曹断律虽按其服之轻重有立刚立斩立绞之殊律重如斯甚可畏也惟冀吾族为父兄者必先言动以正家法严肃男女别嫌不许轻笑妄言杂坐不许衣服器具无别不许寢食同处而平日更必以礼法教之使尊者各自尊卑者亦自卑循分守己终始不渝自可免风诗相鼠之刺矣

不可犯讳

讳

讳

讳均宜敬避家之有谱所以序昭穆而别尊卑派系既定尊卑自序矣无如一族之内名号不无雷同或子犯父讳孙犯祖讳弟犯兄讳侄犯伯叔讳比比然也甚或先世有某字派后来生儿取名者亦竟以某字取之如此悖理亦与灭伦同科自今而后凡我族为子孙命名者务宜细阅谱牒名字同者登时改易切勿犯其先人

祖父伯叔尊长服内兄弟之讳庶免卑犯尊幼凌长之
讥也最宜慎之

重宗祠

宗祠者 先人灵夹凭依之所亦子孙奉先思孝敦族
言欢之地平时总以洒扫洁静为主重宗祠即所以敬
祖考也我族创建宗祠原为报本追远起见倡修者几
费经营后之子孙其可淡然视之乎倘有栋折榱崩必
修葺之瓦坏罅漏必添补之周围竹木必蓄禁之前后
荆棘必剪除之内外墙壁不许损坏涂污上下堂屋不

许寄放什物以妥 先灵以肃观瞻胥於上乎在矣君
族宜遵照继述勿忘

重坟墓

葬之为言藏也所以茂祖宗父母之遗体也以子孙而
藏先人之遗体则必致其敬谨慎重之心以为久远安
固之计庶 祖宗父母音容虽杳灵爽犹存见坟墓如
见先人焉詎可漠不关心视若土丘任他人侵犯乎仁
人孝子无是心也凡我族之为子池者祖宗父母之坟
各宜省视每岁先清明一日率其子侄循山挂扫指点

分明使其坟墓安而神灵守则其子孙盛而祭祀隆省
视愈严侵犯愈远矣

一戒伤人坟边

太上曰祸福无门惟人自召何者吾见世之为坟墓争
讼不休以致倾家荡产者不知凡几何今人之於己之
坟墓则重之於人之坟墓则轻之甚至耕种之时伤人
坟边削人墓址有主之坟子孙见之必不能容轻则鸣
邻理论重则告官伤财无主之坟明则虽无人非幽则
必有鬼责迨至蓄逮夫身悔何可及甚可畏也可不戒

哉凡我族内尊长宜推己及人预为告戒子弟节勿产
人坟边伤人田墾地墾庶人已两全幽明共慰矣倘有
不尊重惩毋贷最宜慎之

一和好兄弟

兄弟者分形同气之人也古人食则同案衣则传服学
则连业游则共方诚以兄弟至亲情与义属为生人之
不可解者也何今之人溺妻子谗言至视兄弟如途人
者指不胜屈也昔人有言曰妻子如衣服兄弟如手足
衣服破犹可缝手足断难再续左氏传曰虽有小忿不

废懿亲小雅诗曰凡今之人莫如兄弟吾愿族内之为兄弟者切记斯言永相和好果能敦行苇之雅泯角弓之伤笃棠棣之情戒阅墙之衅则兄弟既翕家道亦无不兴矣

一 谐和宗族

宗族之众虽支分派别然自祖宗视之则均是子孙同出於一本也彼世之人有居高位拥厚赀以独遗其子孙而不恤宗族则负祖宗之德伤一体之谊罪莫大焉惟翼吾族诸人当念祖宗均爱之心共相谐和患

离与共休戚相关不使一人失所此仁者之心也尧典曰克明俊德以亲九族九族既睦平章百姓苟能深志斯言则敦睦宗族之道得矣

一 隆祀典

饮水思源古今曾无二理茹羹报本上下原有同情祭也者所以报先人之德也其典顾不重欤朱子曰祖宗虽远祭祀不可不诚旨哉斯言岂可忽哉凡我族於祭祀之日当以诚敬为主执事者谨慎趋走毋许苟简从事序立之后奠献之时致诚致悫尤不许晓晓言语

祭物取其鲜洁尤贵温热得宜诗所谓于豆于登其香
始升神庶或饗而祭始受福矣

一 择明师教子

孟子曰中也养不中才也养不才故人乐有贤父兄也
人生内无贤父兄外无严师友而能有成者鲜矣是故
明於教子者必择明师易曰蒙以养正圣功也养之一
字最妙师过於严则子弟之灵机不发师过於宽则子
弟之放纵尤甚宽严得中方为善教近日村馆蒙师略
识句读公然自命为师鱼目混珠吹竽滥食误天下子

弟者即此师也今之为父兄不明者亦多不顾师之学识浅陋只图脩脯轻微而从之至於年复一年昏而无得如此非徒无益而又害之凡我族之为父兄者宜择明师以训其子弟毋姑息毋苟图既有贤父又得严师互相作育则英奇继起未可囿也勉之望之

一和夫妇

妇之为言服也服於人者也妻之为言齐也齐於夫者也一与之齐终身不改昔人有言曰阴阳和而后雨泽降夫妇和而后家道成但妇人未尝读书明理一有不

是宜委曲以礼开导之不可遽加声色昔晋却缺夫妻相敬如宾流传千古敬之一字诚足尚也凡我族之为夫妇者务宜以敬节爱以性约情情爱真至白首如新以对 先祖先祖居歆以事二亲二亲载宁夫妇有恩不相弃也吾族宜致思焉

一 不可依势欺人

以众功寡无不克也以贵下贱无不得也小雅诗曰高岸为谷深谷为陵然今虽强盛安知不转瞬衰弱乎孔子曰聪明睿智守之以愚功盖天下守之以让勇力震

世守之以怯此所谓损之又员即持满之道也旨哉斯言乎惟翼吾族内诸人势盛者切勿欺人财多者切勿挟人济急扶危怜贫恤困毋趋炎附势毋利己害人体先人之德笃一本之亲终身让路不枉百步终身让畔不失一段此人已两全之道岂可憚而不为耶

一 矜恤节妇

历观富贵不能淫贫贱不能移威武不能屈者贞女节烈坚守不磨之行也昔共姜守义柏舟自矢蕙性冰心诚堪敬畏古节妇诗曰心对镜天昭白画节磨玉雪苦

青春且妇失所天势孤情苦最宜垂怜凡我族内遇此
节妇务宜一例矜恤共相辅助庶节操弥坚终始如一
家门庆幸彤管流芳矣

一 矜无告之人

天之穷民而无告者莫若於鰥寡孤独也宗族之间不
幸而有是人无父母妻子之养最宜哀矜大雅诗曰不
侮鰥寡洪巷曰无虐癯独古圣王发政施仁固无所不
周必先加意於斯四者天下且然况宗族乎吾愿族内
仁人君子若遇无告之人共相矜恤不许人欺害衣食

不足加意周济庶鰥寡孤独名得其所不致流离困苦
何莫非礼圣王好生之德乎

一 戒争讼

从来争者必诉讼者必争故曰争讼而争为讼之端讼
又开争之渐争讼之家立见消亡皆由起事之时家长
不能忍挟势告讼之所致也小不忍则乱大谋此之谓
也张公百忍之对古今以为名言凡我族内或有拂意
之事被人欺诈凭陵总以含忍为贵能忍人之所有能
忍方能为人之所不能为若遇大事不能忍者仅可鸣

邻理论剖晰是非公道自在人心他强横我退让则善
必归我峻耸之言无由入耳余愿族长平日务宜以礼
让二字开导之化大为小化有为无自是乡党称为善
人宗族目为君子矣

一 戒赌博

尝观富贵之家不数十年而转贫穷其由子孙好赌而
致者居多故赌博之害人甚於水火盗贼其害尤大者
十一坏必术二丧品行三伤性命四玷祖宗五失家教
六荡家产七生事变八离骨肉九犯国法十遭天谴盖

以一事而百害俱生可不戒哉故於我族祀祖之日书
立条规要为父兄者各宜训其子弟使士农工商各勤
职业毋许成群结党好赌败名效丁湜悔过自新无利
己害人之念永以为戒致富何难庶高大门闾方兴未
艾也吾於吾族有厚望焉如有不尊重惩毋貸

一 严贼盜

贼盜者是人之所恶也昼伏夜动偷牛盜马人之无良
莫此为甚若一旦被入拿获轻则受毆拳伤脚踢忍气
吞声重则送官披枷帶锁俯首含羞上玷祖宗下害妻

子辱身贱行荡产倾巢种种恶端难以枚举总之鼠窃狗盗以为生活之人吾未见能成家者也惟冀我族为房长者互相训戒子弟循规蹈矩谨守家法毋妄作非为思光宗耀祖自是门第清高良堪称羨矣

一 不许窝藏匪类

从来善与善人交而不入恶党恶与恶人交而不入善党易曰人以类聚物在群分其斯之谓欤匪类者不习正业无所不为若遇此等人趋避之犹恐或缓岂敢窝藏之乎且匪类之徒国法之所不容稽查最密若不幸

惡迹偶彰玷祖喪身害延不淺今約族衆共相嚴戒庶免株連則父兄之教先子弟之率必謹矣

一 勿宰耕牛

牛者上應天星下興地利故能耕田以代人勞出稼以供人食牛之有功於世大矣奈何今之人不念牛之功與勞而反殺之胡不仁至於此極乎獨不思殺之者國有常刑食之者冥有罪愆牢字从牛獄字从犬不食牛犬牢獄可免可不戒哉凡我族內永禁宰殺耕牛體天地好生之德效陳胡戒殺之心不啻陰功浩大抑且不

悖於

王章永以为戒子孙百福矣

一勿弃字纸

苍颉制字尤世流传愚鲁因之而开聪明贫贱以之而致富贵功至大矣人敢忘哉佑圣真君戒惜字文云世间字纸藏经同见者须将付火中或送长流埋净土赐君福畴永无穷是以不费钱力获福孔长莫此为甚何今之人不互相劝勉而为之耶吾愿族内众人奉而行之六经之文珍为至宝倘有无知之辈或以字纸糊窗

覆甕抹棹剪样刻器贮针线换钱物等敝务宜告戒嗣
后不许秽褻轻弃庶免招尤如有不尊重责毋贷欲求
己身富贵利达子孙科甲蟬联者非敬惜字纸不可得
也勉之望之

一 戒非为

患生於多慾过生於轻慢祸生於多贪罪生於不仁一
念之失百害丛生前车既覆后车当鉴盖凶年饥岁何
代无之倘遇天年水旱之灾望我族内各安天命不怨
天不尤人分多润寡共相周急不得强借强索平时与

人有隙总宜含忍不得暗害纠缠报复其诬骗诈佔捏故造字强牵强割强掘以及藉端图赖主使老幼男妇坐拚泼闹服毒恐吓挟制诈索诸事一概严禁如有不遵带人宗堂重惩不得徇情宽贷果能戒之在心守之在志出处语默不出范围则为肖子贤孙祖宗必为之默佑矣

一重婚姻

婚姻之际人道所以正其始也其礼顾不大欤司马温公曰凡议昏当先察其壻与姑之性行及家法何如勿

苟慕富贵壻苟贤矣今虽贫贱安和异时不富贵乎苟
为不肖今虽富盛安知异时不贫贱乎苟慕女家之富
贵而娶之彼挟其富贵鲜有不轻其夫而傲其舅姑者
养成骄妒之性异日为患庸有极乎可不慎哉或有无
知之辈不顾伦常有兄亡收嫂弟亡收弟妇者匪独家
法严禁且国有明条

本朝律云兄亡收嫂弟亡收弟妇者

不问被
出改醮

各绞律法森

严甚可畏也惟翼我族永除此敝以正纲常如有不遵
不许列谱预为告知俾无后悔嗣后吾族为父母者娶

媳嫁女务宜慎之於议昏之前切勿悔之於定昏之后
无论异日富贵盛衰迭见男女贤否攸分惟在听之於
命而已果能恪遵先典谨守家规则男女以正婚姻以
时定卜后裔繁昌未可量也

一 慎交游

父子有亲君臣有义夫妇有别长幼有序朋友有信父
子君臣夫妇长幼四伦有善有恶全赖朋友一伦劝善
规过以成四伦之善也仁义礼智四端固有之良全赖
信有以充此四端之德也如水火金木全赖土以生之

成之者也朋友一伦岂可轻视乎哉交友原以求益不求捐故孔子曰益者三友损者三友友直友谅友多闻益矣友便辟友善柔友便佞损矣然则云其损以就其益取友者安可以不慎哉吾愿族众宜慎交游择其善者而从之善者固我师也其不善者而改之不善亦师也以此交友则得之矣吾族其勉之

一重理财

周礼元积财之政课农之政乃积财之政也周礼无理财之官制用之官乃理财之官也夫做人居家居官第

一首重理财若财不善理做人不成好人居家不成好家居官不成好官理财与含财别贪财求多无厌理财不论大小量人为出贪财君子所鄙理财圣人不废此做人居家居官第一关头吕氏曰国无游民则生者众矣朝无幸位则食者寡矣不夺农时则为之疾矣量入为出则用之舒矣理财之大道无过於此吾愿族内务宜勤俭永戒奢华耕九馀三积小成大生之有道取之有义用之有节则财恒足矣切勿轻视而不讲求精当也

以上条规覩缕言之原欲为父兄者谆谆训其子弟
诵诗读书讲道论德爱亲敬长保族宜家取善辅仁
履信思顺持躬俭朴处世谦恭毋倚势害人毋助强
欺弱父子兄弟教以人伦士农工商各勤职业为人
若此夫复何言朱子曰家门和顺虽饗殮不继亦有
馀欢国课早完即囊橐无馀亦得至乐哉斯言亦有
深志之吾族之间果有贤父兄导之先路必出佳子
弟步其后尘上行下效有不期然而然矣正见父兄
之教不可以不先也务宜一一遵行则克光前业不
外是矣